

Ledscha da pumpiers

dal

Cumün da Zernez



Ledscha da pumpiers

dal

cumün da

Zernez

A basa dals art. 1 e 34 da l'ordinaziun chantunala davart la pulizia da fö, stadi dals 1. schner 2001, sco eir a basa da l'art. 3 da la constituziun cumünala decretescha il cumün da Zernez la seguainta ledscha da pumpiers

LEDSCHA DA PUMPIERS

IN GENERAL

Art. 1

In general

La pulizia da fö e'ls fats da pumpiers sun chosa dal cumün, perquant cha quistas incumbenzas nu stan illa cumpetenzza dal corp da pumpiers PuMa o d'organs chantunals.

Denominaziuns da persunas, funcziuns e professiuns in quista ledscha as referischan da princip a tuottas duos schlattas, perquant chi nu resulta inguott'oter our dal sen da la ledscha.

Art. 2

Champ
d'applicaziun

Quista ledscha fixescha l'organisaziun ed ils dovairs dals fats da pumpiers i'l cumün da Zernez, perquant ch'els nu stan illa cumpetenzza dal corp da pumpiers PuMa.

Art. 3

Dret surordinà

Las prescripziuns generalmaing impegnativas da l'ordinaziun chantunala davart la pulizia da fö sco eir tuot las prescripziuns e disposiziuns davart la pulizia da fö e'ls fats da pumpiers sun sainz'oter valablas, eir sch'ellas nu vegnan manzunadas explicitamaing in quista ledscha.

Art. 4

Incumbenzas

Als pumpiers sun üna defaisa cunter dons in general. Els cumbattan incendis, dons elementars ed oters dons chi pericliteschan ils umans, las bes-chas e las valuors realas o chi sun nuschaivels per l'ambient. Als pumpiers güdan in cas da catastrofas i'l sen da la ledscha chantunala davart l'agüd in cas da catastrofas. Els pon gnir obliats d'accumplir ulteriuras incumbenzas.

OBLIG DA FAR SERVEZZAN DA PUMPIERS

Art. 5

Princip

Homens e duonnas cun domicil i'l cumün da Zernez sun per regla obliats

da far servezzan da pumpiers.

Dad abitants chi vivan in üna lai na separada es oblià be ün dals conjugals da far servezzan da pumpiers. In quist cas as drizza la dürada da l'oblig da far servezzan da pumpiers tenor l'età dal conjugal chi guadagna daplü. Il medem princip vala per esters cun ün permiss da domicil o cun ün permiss per ün on.

Art. 6

Dürada
dal servezzan

L'oblig da far servezzan da pumpiers cumainza quel on chi's cumples cha il 17avel on e finischa quel on chi's cumplescha il 41avel on. In quist rom-e tenor il bsögn po la suprastanza cumünala fixar otras reglamentaziuns.

Uffizials pon gnir reelets fin al 49avel on cumpli.

Art. 7

Servezzan

L'oblig da far servezzan da pumpiers vain adempli in fond servezzan da pumpiers activ o in pajond üna taxa da cumpensaziun.

Art. 8

Abilità

In cas chi vain dubità ch'üna persuna saja abla da far servezzan da pumpiers pervia da mendas corporalas o spiertalas sto gnir procurà il güdicat d'ün meidi.

Art. 9

Incorporaziun

Ingün nu po pretender da gnir incorporà in l'oblig da far servezzan da pumpiers activ. La cumischiun da pumpiers dal cumün da Zernez decida, davo avair tadlà il cumond da pumpiers, scha persunas obliadas da prestar servezzan da pumpiers han da far servezzan activ o da pajar la taxa da cumpensaziun. Pro quista decisiun sun da resguardar ils bsögns dals pumpiers sco eir la qualificaziun persunala e professiunala, il lö da lavur e da domicil da la persuna obliada e quant bain cha la persuna es raggiundschibla in cas d'ün'intervenziun urgainta. In cas da prestaziuns insufficiantas po la persuna chi fa servezzan activ gnir intgnüda da pajar la taxa da cumpensaziun.

Art. 10

Perfecziunamaint

Commembers dal corp da pumpiers pon gnir obliats da's perfecziunar e da surtour incaricas da cader. Els han da frequentar ils cuors ed exercizis respectivs e da far ils servezzans colliats cun lur grà o lur funcziun. Ils grads da servezzan vegnan repartits tenor l'uorden militar.

Art. 11

Effectiv

La suprastanza cumünala fixescha l'effectiv dals pumpiers in perincletta cun la cumischiun da pumpiers dal cumün da Zernez e la suprastanza dal corp da pumpiers PuMa. L'effectiv as drizza tenor la valütaziun da las incumbenzas dals pumpiers i'ls cumüns commembers e las directives da l'uffizi da pulizia da fö.

La suprastanza cumünala po extender l'età da far servezzan vers ingiò fin al 16avel on cumpli e vers insü fin al 52avel on cumpli, ascha l'effectiv nu vain rajiunt cun la dürada da servezzan previssa (art. 6).

Art. 12

Deliberaziun dal servezzan activ

Dal servezzan da pumpiers activ sun deliberats:

- Il president cumünal e l'intera suprastanza cumünala.
- Persunas chi ademplan funcziuns officialas chi nu sun cumpatiblas cun l'oblig da far servezzan da pumpiers activ.
- Commembers dal cader da pumpiers chi tenor il dret cumünal da fin uossa d'eiran già deliberats a basa da lur ons da servezzan.
- Commembers da la pulizia chantunala.
- Spirituàls e commembers d'ün uorden.
- Persunas cun üna menda spiertala o corporala cumprovabla.
- Ün genitur chi edüchescha sulet uffants in l'età prescolara o scolara.
- Duonnas in spranza o mammas chi lattaintan.
- Persunas chi fan servezzan da pumpiers activ in ün corp da pumpiers da gestiun arcuguschü dal chantun.

La suprastanza cumünala po deliberar ad ulteriuras persunas da l'oblig da prestar servezzan da pumpiers.

TAXA DA CUMPENSAZIUN

Art. 13

Princip

Persunas chi suottastan a l'oblig da prestar servezzan da pumpiers, ma chi nu fan quai ne i'l corp da pumpiers regional PuMa ne in ün corp da pumpiers da gestiun arcuguschü dal chantun, han da pajar annualmaing üna taxa da cumpensaziun.

Chi chi manca infra ün on e sainza as s-chüsar d'ürant 50 % dals exercizis ordinaris ha da pajar ultra da las multas eir amo la taxa da cumpensaziun.

Art. 14

Deliberaziun da
La taxa da cum-
pensaziun

Tuot las personas chi nu praistan ingün servezzan da pumpiers activ a basa da l'art. 12 sun deliberadas da pajar la taxa da compensaziun. Personas obliadas da pajar la taxa da compensaziun cun dmura d'ürant l'eivna chi absolvan ün stüdi o ün giarsunadi nun han da pajar ingüna taxa da compensaziun.

La suprastanza po deliberar ad ulteriuras personas da l'oblig da pajar la taxa da compensaziun.

Art. 15

Fixar la taxa da
Compensaziun

La taxa da compensaziun s'amunta minimalmaing a fr. 100.-- e maximalmaing a fr. 500.--. La suprastanza cumünala fixescha la taxa da compensaziun tuot tenor ils bsögns dals pumpiers.

Per personas migrantas chi nu sun amo annunzchadas, resp. chi nu sun plü annunzchadas in cumün als 1. avrigl, scrouda l'oblig da pajar taxa da compensaziun.

Art. 16

Adöver

Il rechav da la taxa da compensaziun vain dovrà exclusivmaing pels fats da pumpiers e pel provedimaint d'aua da stüder.

ORGANISAZIUN

Art. 17

Suprastanza-
cumünala

La suprastanza cumünala, insembel culs cumüns da l'associaziun, ha la surveglianza suprema sur dals pumpiers, perquant cha quai sta in sia competènza. La suprastanza cumünala po delegar incumbenzas e competenzas a la cumischiun da pumpiers.

Art. 18

Incumbenzas e
competènza da la
suprastanza
cumünala

Id es impustüt chosa da la suprastanza cumünala:

1. da fixar l'età da servezzan tenor l'art. 6
2. da deliberar dal servezzan da pumpiers activ tenor l'art. 12
3. da fixar la taxa da compensaziun tenor l'art. 1
4. da tscherner la cumischiun da pumpiers

Art. 19

Cumischiun da
pumpiers

La cumischiun da pumpiers as cumpuona seguaintamaing:

- dal schef da decasteri, cun la funcziun sco president da la cumischiun.
- dal cumandant dals pumpiers resp. dal vicecumandant chi rapreschainta il cumün da Zernez i'l cumond.
- dal büschnader dal lö.

Art. 20

Incumbenzas e
cumpetenzas da la
cumischiun da
pumpiers

Id es impustüt chosa da la cumischiun da pumpiers:

1. da repartir i'l servezzan activ o da far pajar la taxa da cumpensaziun tenor l'art. 9
2. da recrutar l'effectiv tenor l'art. 11
3. d'orientar permanentamaing il cumond da pumpiers davart il stadi e davart müdadas dal provedimaint d'aua local e da sia infrastruttura.

Art. 21

Persunal cumünal

In cas da dons sü'l lö ha il büschnader o il manader da l'ufficina da s'annunzchar pro'l cumandant. Il büschnader instruischa ils pumpiers davart il provedimaint d'aua in cumün. El annunzcha al cumandant da pumpiers permanentamaing eventualas müdadas e restricziuns.

Art. 22

Oget d'exercizi

Ils abitants resp. ils proprietaris d'üna chasa sun obliats da laschar far exercizis in o vi da lur stabels e da dar access als pumpiers fin a las 21.45.

Ogets d'exercizi o parts da tals sun dad ütilisar cun la plü gronda chüra pussibla. Ils proprietaris resp. ils abitants sun d'orientar ad uras davart la tscherna dals ogets d'exercizi. Id es da tour resguard sün eventuals cas da malatia ed otras circumstanzas particularas.

Art. 23

Oblig d'alarmar

Minchün chi constatescha ün cas da don es oblià d'alarmar ils pumpiers via il numer d'urgenza pels pumpiers **118**.

Art. 24

Alarm

L'alarm succeda tras l'alarm quiet o l'alarm da sirena.

Art. 25

Mezs legals

Cunter decisiuns e disposiziuns da la suprastanza cumünala as poja recuorrer infra 20 dis al tribunal administrativ dal chantun Grischun.

Art. 26


Vigur

Cul consentimaint da la radunanza cumünala e cun l'approvaziun dal departamaint da fabrica, trafic e silvicultura dal chantun Grischun aintra quist regulativ in vigur culs 1. schner 2007 .

Quatras es abolida impustüt la ledscha da pumpiers cumünala dals 16 december 1996.

Approvà da la radunanza cumünala dals 3 november 2006.

Il president cumünal


Domenic Toutsch




L'actuar


Corsin Scandella

Approvà dal departamaint da fabrica, trafic e silvicultura dal chantun Grischun

7001 Cuira, ... 2. 9. DEZ. 2006

Il cheu


Stefan Engler, cusglier guvernativ